



SULEQATIGIISITSISUT
SAMARBEJDSPARTIET

UPA2019/57 aamma 209

Tillie Martinussen

22. marts 2019 – Siullermeerneqarnera

Tallimangornerup arfininngornerullu unnuaani kiisalu ullut freerfiusussat nallilerneranni ullaassakkut 05.00-p tungaanut imigassamik sassaaliisalernissaq anguniarlugu Imigassamut inatsimmi § 26-p allanngortinnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

(Siullermeerneqarnera)

Uunga siunnersuut: Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq.

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

(Siullermeerneqarnera)

Sivisunerusumik ammatitsisalernissaq eqqarsaatigalugu Inatsisartumut ilaasortap siunnersuutaanut tapersiinerput oqaatigissavarput.

Isumaqarpugut ullutsinni atornerluinnermut ajornartorsiutit naleqqussaanerinnakkut aningorsinnaanngikkigut aamma politimesterup angerlarsimaffinni persuttaasernerit perulluliornerillu pillugit oqarnera eqqarsaatigalugu suleqataarusuppugut annikillisaanissamut ujarorumallugulu pisartut imerniartarfimmi pisassasut angerlarsimaffinniunngitsoq.

Tamatta nalunngilarput, aanngajaarniutit, angerlarsimaffinni perulluliornerit, imigassamik atornerluinerit ajornartorsiutit tamakkuli inunnik isumaginninneq aqqutigalugu iluarsiniartariaqarpagut aamma ilinniartitaaneq aqqutigalugu. Atornerluinnermut katsorsaaneq aamma ullumikkut akerutereersimasariaqaraluarpoq, taamaattumik Naalakkersuisut kaammattorusuppugut ajornartorsiutit pineqartut inunnik isumaginninneq aqqutigalugu iluarsiniarnissaannut ujartuissasut, kommunit suleqatigalugit, najukkanimi sakkortuumik ernguttoqartarpoq aamma inunnik isumaginninnikkut pinaveersaartitsinikkullu tamaku aningorniarneqarsinnaapput.

Uangullu isumarput naapertorlugu allanngortoqarnaviangilaq unnuakkut nalunaaqutaq pingasunut matusisarnissaq aalajangiusimaneqaannassappat, immaqqa persuttaanerit nangikkiartarnerillu illoqarfimmut nuunneqarsinnaapput taamaallaat taamaasillunimi pinerlunnerit nakkutigineqarnerusinnaapput imaluunniit pinerlussinnaanerit imerniartarfiit ammasarnerit sivitsorneqarsinnaasuuppata.

Naalakkersuisut tamanna toqqissisimanarinngippassuk, allannguutissamik saqqummiussisinnaapput illoqarfimmi annermi misiliutitut atorneqarsinnaasumik immaqalu illoqarfiit minnerit arlaanni kingornalu nalilersuillutik.

Naalakkersuisut kaammattoqqissavagut inunnik isumaginninnikkut suliniutit sakkortuunik



aallartitseqqullugit Naalagaaffeqatigiit iluanni suleqatigiiffiusinnaasumik, kommunit aamma pinaveersaartitsinermut siunnersuisoqatigiit allallu suleqatigalugit, ilumoorullugu ajornartorsiut qaangerusunneqarpat.

Taamatut oqaaseqarluta immikkoortoq 57 taperserparput taamatullu aamma immikkoortoq 209. Qujanaq oqaaseqarsinnaagama.